

Zeitschrift: Nebelspalter : das Humor- und Satire-Magazin
Band: 87 (1961)
Heft: 24

Artikel: Ehrt einheimisches Schaffen
Autor: [s.n.]
DOI: <https://doi.org/10.5169/seals-500490>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)


Download PDF: 11.03.2026

ETH-Bibliothek Zürich, E-Periodica, <https://www.e-periodica.ch>

Am Sitsch fi Mainig



dSchwizzar Schtudenta gönd gäära öppa ga Paris go schtudiara. Määga dar Schprooch, määgam Luuwr, am Aifalturm und da Folli Bärschäär. As isch für dSchtudikhar zPariis so schwirig a Buuda zfinda, wia zBärrn oder zZürri. Zwoor gits in dar Ssitee Ünivärsitäär a Schwizzar Huus. Das khöört dar Aiggenossaschaft. Das Huus hätt a Noochtail. As büttat zwenig Platz. Das Joor hätt das Huus noch a wita Noochtail und das isch asoo: Uss da Raija vu da Schwizzar Schtudenta wird für jeedas Joor a President vum Schwizzar Huus gwäält. Dää, wo für das Joor gwäält worden isch, isch akhtiiva Khommunischt. Jo gwüß. As muuß abar gsaid sii, daß dia Schtudenta, wo na gwäält hend, darvoo nüüt gwüßt hend. Sii hends eersch gmärkht, wo dää suubar President



Bureauschluß

während dar Khuba-Affäara vor dia amerikhaanisch Bootschaft go brüllla ggangan isch und gholfa hätt, zamerikhaanische Schtärnabanner zvarbrenna! Sofort hend a paar Schwizzar Schtudenta an ußarordantlihi Genaraal-Varsammlig zemmagraufa, zum dää khommunischtisch President apzsetza. Kharioosarwiis hätt dia Genaraalversammlig iaram President zVartraua uusschprohha.

Nitt öppa, well dia Schtudenta Khommunishta gsii wäärandi. Ganz und gäär nitta. Abar zwai Drittal vu da Schtudenta vum Schwizzar Huus hend für da Khommunischt gschtimmt, wells gfunda hend, as varschtoofi gääga dGedankhafrejheit, wemma ama Schwizzar varbütti, Khommunischt zsii! Akhtiiva!! Guat. Dia Schtudenta hends sihhar rächt gmaint. Abar khompleet

falsch khandlat. Eerschtans isch in dar Ssitee Ünivärsitäär jeedi politisch Akhtivität gsetzlich verbotta. Zwaitans sötti jeeda Schwizzar wüssa, daß är sich inama Gaschtland aaschtendig uufzfüara hätt. Wenn ii an däära Genaraalvarsammlig gsii wääri, so hetti gsaid: Loos amool, du miissa Vogal, gang packh diini Ggoffara zemma, hau ap ga Moskhau, dött khasch khommunischtisches Propaganda-Matriaal vartriiba soviil daß dwitt. Gedankhafrejheit hii oder häära, du bisch a Fötzal und häsch im Schwizzar Huus nüüt varloora!

Ehrt einheimisches Schaffen

In der Woche vom 7.-14. Mai hat in Chur die Ausstellung für Handel, Industrie und Gewerbe stattgefunden. Ich habe sie besucht und dort auch das Mittagessen eingenommen. Zum Dessert wollte ich ein Stück Käse haben, es gab keinen, sondern nur Fruchtsalat mit Ananas ... Jetzt weiß ich, warum die Muni immer den Kopf schütteln, wenn sie in Chur zur Aufstellung geführt werden. Igel

Mit jedem Drink
aus FOUR ROSES
gewinnt man einen
neuen Freund!



FOUR ROSES BOURBON

KENTUCKY STRAIGHT WHISKEY



Hans U. Bon AG Zürich 1 (vormals Rudolf Zehnder AG)



Mir isch wohl im
WOLLO-BAD